

Ahlulo wa khotokulu

Tshwane, 18 Hukuri 2021 – Khomixinara wa Vukorhokeri bya Xibalo bya Afrika-Dzonga (SARS), Ttn Edward Kieswetter, u lemukile ahlulo lowu nyikiweke eKhotokulu ya Gauteng eka mhaka ya Arena Holdings na van'wana hi ti 16 Hukuri 2021, eka humeso wa vuxokoxoko mayelana na muhakelaxibalo.

“Mhaka ya xihundla xa muhakelaxibalo a hi mhaka ya mayelana na munhu wo karhi, kambe leswi vulawuri bya xibalo emisaveni byi swi tekaka tanihi nawu wa nkoka wa ku tshembeka exikarhi ka vona na vaaki lava hakelaka xibalo. Swi tshama swi ri xikongomelo xa kungu ra hina ku fikelela vumlandzelelanawu hi ntsakelo. Vahakelaxibalo va fanele va tiyisisiwa leswaku SARS yi nge paluxi vuxokoxoko lebyi va nga na byona eka ripfumelo ra kahle, tanihileswi nawu wu swi lavisaka swona, lebyi paluxeriweke hina. Xiboho xa ntiyiso xa SARS xo hambana na xikombelo lexi xi tekiwile hi ku ya hi milawu leyi. Timhaka ti na nkoka swi nga kanakanisi eka mina tanihi Khomixinara wa SARS, eka SARS tanihi vandla, na vanhu hinkwavo, leswi ku nga vumbhoni eka tiafidavhiti to hetiseka leti hi ti fayileke ku ng si va na ntshamo eKhotokulu ku hambana na vevukiso lowu laviweke.

Swi tlhela swi va na nkoka ku lemuka leswaku Holobye wa Timali na Holobye wa Vululami na Nhluvukiso wa Vumbiwa havambirhi va hamhanile na xikombelo xa mfikelelo wa vuxokoxoko bya xibalo bya xihundla bya muhakelaxibalo.

“Ndzi lemukile mimbulavulo yo hlanya eka Ahlulo, haswimbirhi eka vuhangalasangungu bya ximfumo na le henhla ka tipulatifomo ta swa mabulu naswona ndzi pfumela leswaku vuhangalasangungu, xibalo na tiphurofexinali ta swa xinawu, ku katsa na vahakelaxibalo va tiyimiserile ku twisisa leswi xiyimo xa SARS xi nga xiswona naswona swikongomelo swa hina i yini. Ndzi tsakela ku tiyisisa vaaki leswaku ahlulo, na mihlawulo ya SARS, sweswi swi tlhuvutsiwile no langutisisiwa. Endzhakukaloko mimbhurisano leyi ta va yi hetisisiwile, xiboho xo hetelela xi ta endliwa, no nyika ntiyisiso wa leswaku hi ta burisana kambe endzhakukaloko xiboho lexi xi endliwile.”

SARS yi tsakela ku tiyisisa vahakelaxibalo, vaxavisi na tiphurofexinali ta xibalo leswaku swipimelo swa xihundla xa xibalo, tanihileswi swi vekiweke ha kona eka nawu lowu faneleke, yi ta tshama yi boha eka SARS na vatirhi hinkwavo va SARS, na leswaku mpaluxo wun'wana na wun'wana lowu nga pfumeleriwangiki wa vuxokoxoko bya xihundla xa muhakelaxibalo wu tshama wu ri nandzu wa vugevenga.

Mayelana na vuxokoxoko, u komberiwa ku tihlanganisa na SARSMedia@sars.gov.za